

Terms and Conditions

The Library provides access to digitized documents strictly for noncommercial educational, research and private purposes and makes no warranty with regard to their use for other purposes. Some of our collections are protected by copyright. Publication and/or broadcast in any form (including electronic) requires prior written permission from the Library.

Each copy of any part of this document must contain there Terms and Conditions. With the usage of the library's online system to access or download a digitized document you accept there Terms and Conditions.

Reproductions of material on the web site may not be made for or donated to other repositories, nor may be further reproduced without written permission from the Library

For reproduction requests and permissions, please contact us. If citing materials, please give proper attribution of the source.

Imprint:

Director: Mag. Renate Plöchl

Deputy director: Mag. Julian Sagmeister

Owner of medium: Oberösterreichische Landesbibliothek

Publisher: Oberösterreichische Landesbibliothek, 4021 Linz, Schillerplatz 2

Contact:

Email: [landesbibliothek\(at\)ooe.gv.at](mailto:landesbibliothek(at)ooe.gv.at)

Telephone: +43(732) 7720-53100

Dem anfang was

Das wort. Vñ das wort was bei got. vñ got was das wort. Ditz was im anfang bey gott. Durch in sind alle

Ding gemachet. vñ on in ist nichts gemachet. Dz da ilt gemachet. Dz was das lebē in im. vñ dz leben was ein liecht der menschen. vñ das liecht leuchtet in den vinsternussen. vñ die vinsternuss begriffen sein mit. Ein mensch woz gesant vō got des namen was iohānes. Der kam in gezeugt nuss. Das er geb gezeugt nuss von dem liecht. Dz sie alle gelaubten durch in. Er was mit dz liecht aber das er gebe gezeugt nuss vom liechte. Ein war liecht was. Das da erleuchtet einē yeglich en menschen. Kumend in dise welt. Er was i der welt. vñ die welt ist gemachet durch in. vñ dy welt erkant i mit. Er kam in die eygen. vñ die seinen empfiengen in mit. Aber wievil in empfiengen. den gab er den gewalt. zu werden die sūne gottes. den. die da gelauben an sein namen. Dy da mit sind auß den sūnden. noch auß dem willē des fleysches. noch auß dem willen des manns. aber von got geboren sind. Vñ dz wort ist worden fleysch. vñ hat gewont in vns. vñ wir sahen sein glori. dy glori als des eingeborn von dē vater. vol der genaden. vñ der warheyt. Johannes gibt gezeugt nuss vō im. vñ rufft. sagend. Diser ist. dē ich sagt. Der nach mir ist künfftig. vor mir ist worden. wan er was ee den ich. vñ von seiner vollkumenheit empfiengen wir alle genad. vñ genad. wan dy ee ist gegebē durch moysen. aber die genad vñ warheyt ist gemachet durch ihesus christum. Keiner sah nie got. nur der eingeborn sun. der da ist i der schop des vaters. er selb ver kündt es. vñ ditz ist die zeugt nuss iohannis. Do die iuden von iherusalem santen zu im die prier vñ dy leuiten. dz sie in fragten. Du wer bist du. vñ er veriah. vñ laugent mit. vñ veriah. wan ich bin mit cristus. vñ sie fragten in. was bist du aber. Bist du helyas. vñ er sprach. Ich bin sein nicht. Bist du ein weyssag. vñ er antwort. neyn. Darumb sy sprachen zu im. Wer bistu. das wir antwort geben. den. die vns haben gesant. was sagstu von dir selber. er sprach. Ich bin ein stym des ruffenden in der wüste. richtet dē weg des

herzen. als ysaias der weyssag sprach. vñ die da warn gesant die warn vō dē gleychsmern. vñ sy fragte i vñ sprachen zu im. Was tauffestu dan so du mit bist christus. noch helyas. noch ei weyssag. Johannes antwort in sagend. Ich tauff in dem wasser. Aber in der mitt vnder euch ist einer gestandē. den ir nicht wisset der selb ist. der nach mir ist künfftig. d vor mir ist gemacht. des ich mit bin würdig das ich entbind den ryemen seins geschūhs. Dise ding geschahen in bethania tenhalb des iordans. da iohānes was tauffen. An dē andern tag iohannes sah ihesum kumen zu im. vñ sprach. Seht das lamb gots. seht der da abnympt die sūnd der welt. Diser ist von des ich sagt. Nach mir kumpt ein man. der vor mir ist gemacht. wan er was ee den ich. vñ ich wist sein nicht. wan darumb kam ich zu tauffen in wasser. das er wurd erōffent in israhel. Vñ iohānes gab gezeugt nuss sagend. Wan ich sah dē geyst widersteygē als ein tauben von hymel vñ belib auff im. vñ ich wist sein nicht. aber der mich sant zu tauffen in wasser. d sprach zu mir auff den du sibst den geyst widersteygen. vñ beliben auff im. Diser ist d da taufft in heyligen geyst. vñ ich sah. vñ gab zeugt nuss dz diser ist d sun gots. An einem andern tag iohannes stund aber vñ zwen von seinen iungern. er sah ihesum geen. vñ sprach. Seht dz lamb gots. vñ dy zwen iungern horten in reden. vñ nachuolgten ihesum ihesus vñ kert sich. vñ sah sy in nachuolgtē vñ sprach zu im. Was sucht ir. Sie sprachen zu im. Kumbt vñ seht. Darumb sy kamen vñ sahen wa er belibe. vñ beliben bey im an dem tag. Vñ es was nahet dy zehend stund. Vñ es was andreas d bruder symon petrus. einer vō dē zweyen die da hetten gehört von iohāne. vñ warn in nachgeuolget. d fand zum erstē symō seine bruder vñ sprach zu im. Wir habē fundē dē messias. das ist christus. vñ zufürt in zu ihesum. vñ da in ihesus het angesehē. er sprach. Du bist symon d sun iohanna. Du wirst geheissen cephas das ist petrus. Vñ an dē morgen wolt er aufgeen in galilea vñ fand philippum. vñ ihesus sprach zu im. Nachuolg mir. aber philippus woz von bethsaida der stat andree vñ petri. Philippus fand nathanael vñ sprach zu im. Wir habē funden ihesum den sun ioseph von nazareth. dē moyses schryb in der ee. vñ die weyssagē. Vñ nathanael sprach zu im. vō nazareth mag etwz